



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. LXVIII. Avgvstinvs Pipia Sardvs.

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)



No. LXVIII.

AVGVSTINVS PIPIA SARDVS.



Ugustinus Pipia Sardus Ecclesiae Auxinianæ Episcopus, Ordinis Prædicatorum Generalis Magister, S. R. E. Presbyter Cardinalis, Sardonii Regni, quod tantum Virum progenuit, singulare decus est, & Ornamentum, Prout hæc Insula à Sardo, Herculis filio, nomen sortita creditur, sic grandem Virum Pipiam protulit, qui in robur verè Herculeum excravit, qui, cùm in Sacra Divi Dominici militia Generalem Præpositum agebat, tot de orco reportatis victoriis illustris erat, quot animas Egregii hi Christi Milites, ex infernali jugo ereptum eunt. Ea in Insulâ Divi Augustini nomen celeberrimum est; prout etiam in urbe Calari ejus ossa consepulta sùere, quæ subinde Paviam transferebatur. Eum sibi imitandum ratus Augustinus Pipia Sardus, admirabile lumen Sacri Ordinis sui effulxit; nam per omnia transgressus ejus Ordinis Ministeria, inoffenso tamen pede ardua quævis omnia percurrebat. Orator erat, qui rapidâ eloquentiæ vi audientium animos ad se attrahet: abstrusa quæque naturæ arcana tam probè introspiciebat, ut Philosophorum Apex crederetur: Sacrosancto Theologiæ mysteria tam excelsâ scientiâ hauserat, ut Athlas videtur esse, supernis perpetuò affixus syderibus. E Sacris suggestibus sese exhibebat, qualem Professione præferebat, Prædicatorem omnium celeberrimum. Super omnia tamen in Viro Eximio, profundissima humilitas erat, quâ ad infinitum quæque, quantum sibi permittebatur, descendebat. His eximiis animi & naturæ dotibus dignissimus visus est esse, qui Generalis Sacri Ordinis Magister Sexagesimus primus conspirantibus Eligentium calculis assumeretur. Eum Vincentius Maria, Sacrae Dominicanæ Familiae longè fulgentissimum Gemma, quem modò Romano regnantem in solio conspicimus, semper inter eximios habuit, ita ut Cardinalis, Archiepiscopus, dénum etiam Summus Pontifex factus, profundissimâ humilitate, hunc Sacri Ordinis supremum Magistrum etiam de genu veneraretur, Divi Dominici genuinum Discipulum se professus. Enimverò Benedictus XIII, jamdum Anno 1672, à Clemente X. creatus Cardinalis, non antea tamen ad Sacram Purpuram acceptandam permovendus erat, quâm sibi concederetur, ut sub potestate sui Ordinis, etiam Purpuratus Dynasta, perpetuò maneret, Deinde nullas unquam alias vestes admisit, quâm quibus Fratres Sacri sui Ordinis utebentur. Ad hæc quidquid Sacri ejus Ordinis Regulæ circa jejunium & ciborum abstinentiam dictant, ad amissum etiam in hanc usque diem observat. Ut

Ut itaque aliquod favoris sui Mnemosynon Sacro Ordini exhiberet, Augustinum Pipiam, ceu fulgentissimum Sydus, Purpureo Romanorum Senatorum Cœlo inse- rendum sibi censebat; hinc eum in Consistorio Secreto die 20. Dec. An. 1724. ha- bito Cardinalem proposuit, Purpuratis Patribus, quotquot præsentes esse poterant, pleno ore acclamantibus: PLACET. Quidni igitur tærque quatærque felicem, Sacer Ordo, te deprædicem, qui tot firmissimas Columnas Orthodoxo Orbi exhibes, quem sub gravissimis difficultatibus in dies ingemiscemt sustinent. Qui dum Sacrum Evangelium ubi vis gentium prædicant, & Europam, Asiam, Africam, & Ameri- canam Missionibus percurrunt, ignorantæ tenebras ubi vis dispellunt. Ut de cele- bratissimo hoc Ordine pauca quædam proferam (quis enim Orbis Succollatorem Dominicum silentio involvat?) Fundatus is est à Divo Patriarcha Dominico, ex Il- lustrißimâ Guzmannorum Familiâ Calarogæ in Hispaniæ Oxomensis Dioecesis ori- undo; Ex quâ complures alia longè celeberrimæ per Hispaniam Familiæ, utpote Ducum de Medina Sidonia, de Medina de las Torres, de St. Lucar: Marchionum de Azdales, Monte Allegre, Cacaça, Magrena, Cardena, Palacios: Comitum de Niebla, Olivares, Orgaz, Teballad &c. &c. oriebantur; iñò ipsos etiam Hispaniæ Reges nobilissimi Guzmanni consanguinitatis foederibus attingunt; nam Ramirus Guzmannus, Ferdinando Perezio teste, Isabellam Regis Legionis filiam nuptui sibi collocaverat, & Hermenesina Ramirii Asturum Regis filia, cuidam ex Guzmannis, Roderico Mendoza authore, nupserat. Non desunt, qui nobilissimos Guzmannos, Germanæ Originis referant, quos inter Ambrosius Morales, qui Guzmannos, lingua nostrâ vernacula Guttmannos nuncupandos asserit. Hoc satis in propatulo est, quod Divus Dominicus ejus mensuram nominis abunde adimpleverit, verè Gutt- manus dicendus, utpote beneficii suis orbem complexus universum. Incipiebat autem eum Ordinem Fratrum Prædicatorum mente concipere Anno 1203. Anno VI. Pontificatus Innocentii III. Confirmatus autem fuerat Sacer is Ordo An. 1216. die 20. Dec. ab Honorio III. Romano Pontifice; nec iñeritò; nam sanctus Domini- cus, & Humilis Franciscus Orbem labantem succollare visi. Anno 1218. Beatissima Virgo Maria noviter confirmato Ordini Prædicatorum primam & specialem gratiam exhibuit, dum Beatum Reginaldum graviter decubentem conspicua apparens sa- lutari uæctione perunxit, & sanavit, eique habitum Ordinis ostendens (scilicet sa- crum Scapulare) priùs enim habitu Canonicorum Regularium S. Augustini incéde- bant, ajebat. EN HABITUS ORDINIS TUI. Qua revelatione facta, Fratres Ha- bitu Ordinis cœlitus designato uti coeperunt. Primus equidem Sacri Ordinis Ma- gister fuit S. Patriarcha Dominicus, cui Augustinus Pipia Ordine sexagesimus Pri- mus successerat; & eo ad sacram Purpuram promoto, surrogabatur Thomas Rip- pold, Vir meritorum plenissimus, & dignissima Tanto Patre Propago. Sacer hic Ordo brevi maximis incrementis per Orthodoxum Orbem inclaruit. Cùm hære- torum imprimis Albigenium, mallei essent, & assiduâ prædicatione Evangelii Divini Numinis cultum ubi vis gentium instaurarent, hinc multis ubi vis Gentium Privilegiis & prærogativis, meritissimo Virtutum preemio, condecorati fuere. Sta- tim An. 1218. ab Honorio III. P. M. Divus Dominicus Sacrae Familiæ Fundator, Pon- tificii Palatii Magister constitutus fuit, quod officium ab illo tempore semper usque in præsens tempus ab uno ex Sacro Ordine Prædicatorum fuit administratum. Dein quia sanctus Patriarcha Dominicus ex Ortu suo Regio Hispaniarum sanguini jun-ctus erat, inde hæreditariè quilibet Magister Generalis Ordinis dignitate uniùs de Grandibus Hispaniæ (ut loquuntur) gaudet. Tertio Generalis Inquisitoris Offici- um per Hispaniam etiam à tempore sancti Patriarchæ Dominici semper hæreditariè mansit penes Sacrum Ordinem Prædicatorum. Quartò Officium Poenitentiarii Sacrae Romanae Ecclesiæ ad S. Mariam Majorem semper administratur ab Uno ex

Sacro Ordine Prædicatorum. Quis reliqua décora omnia sacri hujus Ordinis, in quadraginta quatuor provincias divisi, sono eorum in omnem terram exeunte, enumeret? Numerantur IV. summi Pontifices, quos facer hic Ordo dedit: nominatim Innocentius V. Benedictus XI. S. Pius V. & Benedictus XIII. Ad Cardinatum, quorum quidem numerum inire licuit, evecti fuere LV. Ad Patriarchatus XXX. ad Archiepiscopatus ultra CCCC. Ad Episcopatus MD. & ultra. Abbes Generales II. fuere. Vice-Cancellarii II. Vicarii Papales III. Legati à Latere XXV. Commissarii Apostolici XII. Nuntii Apostolici LXXX. Magistri S. Palatii LXXVII. Secretarii S. Congregationis Indicis XIV. Sacri Concilii Tridentini Theologi LXIII. Auditores Rotæ IV. Bibliothecarii Apostolici II. Capellani Papæ VIII. Commissarii Generales S. R. Inquisitionis XXV. Et jam novum Sacrae Romæ Lumen transmisit Clarissimus hic Ordo Augustinum Pipiam, quem Sanctitas sua Benedictus XIII. in Confistorio secreto habito XX. Decembris anni MDCCXXIV. Cardinalem dicebat. Romam Bononiâ advectus Augustinus, eâ teneritudine à Santissimo Patre fuscipiebatur, ut meritò dubitari potuisset, uter alteri filiale magis affectum impenderet. Erubuit Pipiæ Humilitas, cùm sumnum Orbis Caput profundissimâ humilitate coram Ordinis Magistro fese demitteret. Certè cùm in Ecclesia Sanctæ MARIAE DELLA MINERVA paulò post conveniret, Benedictus XIII. suave & Amabile Orbi nomen, ea submississimi animi signa publicè edidit, ut presentibus lachrymas extorqueret, & in summo Viro profundissimam Humilitatem nemo non summopere admiraretur. Eidem Augustino Pipiæ dicta Titularis Ecclesia S. Mariæ della Minervâ obtigerat. Dicerem doctæ Minervæ Alumnum, Nisi Maria, verior Pallas, Marianum Virum sibi vindicaret. Postea Ecclesiæ Auximanae, in Marchiâ Anconitanâ sitæ, Episcopus denominatus est; & Benedictus XIII. Virum unicè sibi dilectum, suis manibus consecratum volebat. Eam nunc Ecclesiam Augustinus Pipia gubernandam suscepit, & verbo Dei pascit. Jactet nunc Antiqua Roma, Terentio Maximo teste, ex Sardonia Insula optimum & Copiosissimum frumentum ad se adveatum; Nihilominus Augustinus Pipia de longe ad Auximanos portat panem, eumque longè pretiosissimum, & Eucharisticum, quo subditum sibi gregem fovet, nutrit.

